

古
詩
賞
析

古詩賞析卷五目錄

漢詩

無名氏

戰城南

有所思

上邪

隴頭歌

二首

江南

薤露歌

蒿里曲

雞鳴

陌上桑

長歌行

君子行

猛虎行

相逢行

善哉行

西門行

東門行

婦病行

孤兒行

艷歌行

艷歌何嘗行

隴西行

古詩賞析卷五

吳縣張玉穀蔭嘉選解

門人

蔣曾煊德融

蔣曾熿德明

校字

甥 嚴廷燦暎初

男 大鎔禹金

漢詩

無名氏

戰城南

鼓吹曲辭鐃歌十八首今選三○崔豹古今注短簫鐃歌軍樂也黃帝使

岐伯作。所以建威揚德。風敵勸士者也。周禮所謂王大捷。則令凱歌。漢樂有黃門鼓吹。天子所以宴樂羣臣也。短簫饒歌。鼓吹之一章爾。亦以賜有功諸侯。古今樂錄。漢鼓吹饒歌十八曲。字多訛誤。○穀按。今十八曲中。可解者少。細尋其義。亦絕無如古。今注所云。建威揚德。風敵勸士者。不知何以謂之饒歌也。豈當時軍中奏樂。只取聲調諧協。而不計其辭耶。

戰城南。死郭北。野死不葬。烏可食。爲我謂烏。且爲客豪野死。諒不葬。腐肉安能去。子逃。豪豪舉也。爲略存體面。勿遽食。水聲激激。蒲葦冥冥。梟騎戰鬪之。卽爲豪舉也。

死。驚馬徘徊鳴。梁築室。何以南。何以北。言此人乃棟梁之材。

可以。用之。築室。何以。禾黍。不獲。君何。食。言此人死。戰於城南。死於郭北。禾黍。不獲。君何。食。則君無倚。賴。猶禾黍。不獲。願爲忠臣。安可得。言死者非不欲。之。無以食也。願爲忠臣。安可得。盡忠克敵。以報。君。無奈。戰鬥。非其所長。思子良臣。良臣誠可思。言。徒死。而不能遂其志也。人苟使之輔佐太平。而爲朝行出攻。暮不夜歸。良臣其設施。必有可觀也。此傷用人不當。使太平良佐。徒死於戰之詩。舊解支離。都無是處。首三。敘戰死。不葬事。直起。爲我四句。頂第三句。申寫野死之慘。作曉鳥語。痛極奇極。水聲四句。插敘戰場苦景。寬以養局。而戰門死。已補出效命之勇。徘徊鳴。又引下惋惜。意。以上俱屬鋪敘題面。梁築室以下。皆致已惋惜之意。梁築三句。惜用時之君不明也。禾黍句。惜死後之君無倚也。兩層比喻。正反遞落。良臣可思意。已隱隱逗起。願爲句。復就死者欲忠不得。推原其心。恰好以忠臣跌出。良臣思子二句。

點明良臣深致景慕。末二收轉用違其才以致
敗亡。兜應篇首截然竟佳。五層意思都在空處
折旋。且多以比喻出之。古詩豈易讀哉。

有所思

有所思乃在大海南。何用問遺君。雙珠玳瑁簪。用

玉紹繚之。

玳瑁龜屬。生南海。背上有鱗。鱗有文章。可作器。紹繚繞也。

聞君有

他心。拉雜摧燒之。摧燒之。當風揚其灰。從今已往。

勿復相思。相思與君絕。雞鳴狗吠。兄嫂當知之。言

若與他人往來。則驚。妃呼稀。談藝錄曰。樂府中有
彼雞狗兄嫂必知。妃呼稀。伊阿那諸語。

本自無義。但補樂中之音。穀。秋風肅肅。晨風颼東。
意卽作下秋風之聲亦可。

方須與高知之

東方須與高言日將出必鑒知我心也

此詩極寫相思變態。未仍收到不忍輕絕意。是爲變不詭正。忠厚之遺。篇分三截。看首五從平。日相思追敘起。點清地遠。卽爲下聞字伏根。商量問遺寄意。就一簪上寫得有加無已。惻歎交至。跌起中截。欲開先合也。中六。突接聞有他心。頓生怨悵。卽借欲遺之物。摧燒揚灰。寫出女兒刻毒性情。以從今勿思頓住。一層伸一層都作十放死句。儘力一開。又恰以跌起下截之餘情。不盡未六。相思與君絕。雙承上兩截來。雖貼已邊說。而着一相字。已拖彼邊在內。言我實思君而今與君絕者。以君有他心故。君亦嘗思我。而今與我絕者。豈亦疑我之有他心乎。五字中有按定細想。代揣彼心。自問已心意。因接雞鳴二句。証我之心於人。又伸如呼三句。証我之心於天。截然竟止。絕不抱轉思彼。不與彼絕。而意已躍然言下。蓋全在相思五字。虛轉得力也。○用

玉句意足上而韻
却領下亦是一奇

上邪

上邪呼其上而
告之也我欲與君相知長命無絕衰山無

陵江水為竭冬雷震震夏雨雪天地合乃敢與君

絕此第四部屑韻第五
部合韻兩界通韻

此陳忠心上之詩首三正說意言已盡後五
反面竭力申說如此然後敢絕是終不可絕也
疊用五事兩就地維說兩就天時說直說到
天地混合一氣趕落不見堆垛局奇筆橫

隴頭歌二首○橫吹曲辭橫吹曲一名隴頭

詩載之謂漢橫吹曲有隴頭而亡其辭此
或其遺也唐氏古詩解亦載此歌行役作

一身無登高二句合下章作一章注亦謂漢橫吹曲隴頭之遺○三秦記其坂九曲上者七日乃越上有清水四注下所謂隴頭水也通典曰天水郡有大坂名曰隴坻亦曰隴山卽漢隴岡也

隴頭流水流離四下念我行役飄然四野登高望遠涕零雙墮

二歌皆行役過隴有感之作此歌就水形觸感點行行役登高事飄泊涕零俱在形上關照隴頭流水鳴聲嗚咽遙望秦川肝腸斷絕

此歌就水聲觸感點清所望之處肝腸斷絕更從嗚咽翻深一層所謂無聲之痛也

江南

相和歌辭相和曲○樂府解題曰江南古辭葢美芳晨麗景嬉遊得時若梁簡

文桂檝晚應旋唯歌遊嬉也按梁武帝作江南弄以代西曲有采蓮采菱葢出於此唐陸龜蒙又廣古辭爲五解云

江南可采蓮蓮葉何田田魚戲蓮葉間

田田葉蔽水面也

魚戲蓮葉東魚戲蓮葉西魚戲蓮葉南魚戲蓮葉

北西在齊韻霽韻平聲也霽與北爲回互通此因去兼及三聲之叶也

此采蓮曲也前三敘事不說花偏說葉葉尚可愛花不待言矣魚戲葉間更有以魚比已意詩旨已盡後四忽接上間字平排衍出東西南北四句轉見古趣

薤露歌

相和歌辭相和曲下首同○古今注薤露蒿里本出田橫門人橫自殺門

人傷之爲作悲歌孝武時李延年分爲二曲薤露送王公貴人蒿里送士大夫庶人

使挽柩者歌之亦謂之挽歌樂府解題曰
齊將與吳戰於艾陵公孫夏命其徒歌虞
殯杜預云送死薤露歌
卽喪歌不自田橫始也

薤上露何易晞露晞明朝更復落人死一去何時
歸

上二易死之喻下二接喻意翻進一層
說向後去言易死而更不能復生也

蒿里曲蒿里山名在泰山南

蒿里誰家地聚斂魂魄無賢愚鬼伯一何相催促
人命不得少踟躕

上二慨賢愚同盡就旣死後說下二逆溯臨死
時不得少延前章比體寫得悽惋欲絕此章賦

體寫得慘
刻盡致

雞鳴

相和歌辭
相和曲

雞鳴高樹巔。狗吠深宮中。蕩子何所之。天下方太

平。刑法非有貸。柔協正亂名。

協和也。言以柔和之道正亂名教之人。

黃金爲君門。璧玉爲軒堂。上有雙尊酒。作使邯鄲

倡。

作使役使也。邯鄲趙地。倡女樂也。

劉王碧青甃。後出郭門王。

甃磚

也。言其屋壁之磚皆碧青色。劉王郭門王。大約是當時制甃之家。唐解支離不可從。

舍後有

方池。池中雙鴛鴦。鴛鴦七十二。羅列自成行。鳴聲

何啾啾。聞我殿東廂。兄弟四五人。皆爲侍中郎。五

日一時來觀者滿路旁。黃金絡馬頭。頰頰何煌煌。
頰音景。桃生露井上。李樹生桃傍。蟲來齧桃根。李
火光也。樹代桃僵。樹木身相代。兄弟還相忘。
此東陽庚三韻第一部通韻。

此警蕩子亂名干法。將貽累兄弟之詩。首六。以
雞鳴狗吠。各安其所。反興起蕩子舍家遠出。詰
其何之。隨點醒世。方太平。刑法不貸亂名之輩。
爲蕩子棒喝正文。下三段。乃就其所處地位。歷
論其儘可不爲蕩子也。黃金六句。敘其官室供
具。使令之美盛。可不爲蕩子者一。舍後六句。抽
敘方池。鴛鴦。卽隱喻妻妾衆多。可不爲蕩子者
二。兄弟六句。敘其兄弟之富貴赫奕。可不爲蕩
子者三。平排養局。總就蕩子身上。斥其不知安
分。亂名干法之非。末六。引喻脫接。獨側到兄弟

言他卽勿論。汝爲蕩子。亂名干法。兄弟必受其累。是猶桃傍生李。李代桃僵。人豈可不鑒於樹木之相代而傷殘一本。甘心爲蕩子耶。曲曲喚醒。收得惻然。○此詩樂府解題。不知連屬之理。固是粗心。唐解以爲漢成哀間。王氏五侯奢僭。事多不法。而其後兄弟傾陷。卒隨漢亡。故詩人作此以刺。亦太支離。錢東皐則以爲借蕩子以刺兄弟。惟兄弟不肯垂盼。教以義方。故使蕩子如此。亦屬深文周內。紬繹再三。桶底自脫耳。

陌上桑

○相和歌辭。相和曲。一作艷歌。羅敷行。古今注。陌上桑者。出秦氏女子。秦

氏。邯鄲人。有女名羅敷。爲邑人千乘王仁妻。王仁後爲趙王家令。羅敷出采桑於陌上。趙王登臺見而悅之。因置酒欲奪焉。羅敷巧彈箏。乃作陌上桑之歌。以自明。趙王乃止。樂府解題。古辭言羅敷采桑爲使君所邀。盛誇其夫壻爲侍中郎。以拒之。與前

說不
同

日出東南隅。照我秦氏樓。秦氏有好女。自名為羅敷。
羅敷善蠶桑。采桑城南隅。素絲為籠系。桂枝為籠鉤。
頭上倭墮髻。耳中明月珠。細綺為下裙。紫綺為上襦。
倭墮猶倭嬌。美好貌。細淺黃色。綺。縐也。行者見羅敷。下擔將
提。心搖動。年少見羅敷。脫帽著帩頭。帩。帕頭也。或作幪。斂髮謂之幪頭。
耕者忘其犁。鋤者忘其鋤。歸來相怨怒。但坐觀羅敷。
一解。○坐緣也。言觀者歸家。皆怨怒其妻室。而妻室亦皆怨怒緣。既見羅敷。而形其醜陋也。
使君從南來。五馬立踟躕。使君指郡守。漢制太守駟馬。其有加秩中二千

石乃右驂故以五馬爲太守美稱使君遣吏往問是誰家妹秦氏

有好女自名爲羅敷羅敷年幾何二十尚不足十

五頗有餘使君問羅敷寧可共載不不同否羅敷

前致詞使君一何愚使君自有婦羅敷自有夫二解

東方千餘騎夫婿居上頭何用識夫婿白馬從驪

駒青絲繫馬尾黃金絡馬頭腰中鹿盧劍可值千

萬餘晉灼注古者劍口以玉作井鹿盧形十五府小史二十朝大夫

三十侍中郎四十專城居小史掌書者專城尊撫一郡也爲人潔

白皙鬢髮頗有鬚皙白也盈盈公府步冉冉府中趨

坐中數千人皆言夫壻殊三解○坐中數千人即指公府中人而甚言之

也○通首係魚虞尤

三韻第二部通韻

一解總述羅敷美好分四層寫爲二解使君思載引端即與三解盛誇夫壻遙對首四敘明姓名以朝日發端即有暇日明心之意總冒通章羅敷四句敘其出采遇使君之由也先就桑具着色頭上四句詳其服飾行者八句意在敘其容貌之美也却偏不一句正寫只歷敘見者莫不神魂顛倒如此而其美自見且即以觀出使君神來之筆二解正敘使君之犯羅敷之拒使君十一句順敘使君見之踟躕邀與同載中插遣吏往問姓名一層問答應筆也又插問年一層問答補筆也委曲明劃羅敷四句正敘禦暴開口下一愚字中有暗於理昧於勢二義有婦有夫先斥其暗於理已足使使君語塞三解皆羅敷之語蒙上自有夫來極誇夫壻之美好尊

貴如此。意謂爾卽不顧倫理。就勢而言。亦何可
以勻奪。總以曉其愚也。而着意鋪張。又恰與首
解兩相輝映。東方二句。以夫婿之高顯提起。何
用六句。詳其服飾。十五四句。詳其歷官。爲人四
句。詳其容貌儀表。末二。以人皆艷羨作結。竟不
鬼繳使君。而使君之慙愧而去可知矣。妙絕。○
前後同一鋪陳濃至。然前屬作者正寫。後
乃就羅敷口中說出。故不覺堆垛板重。

長歌行

相和歌辭相和曲。古今注長歌短歌言人壽命長短各有定分不可妄

求郭樂府按古詩云長歌正激烈魏武帝
燕歌行云短歌微吟不能長晉傅玄艷歌
行咄來長歌續短歌然則言
歌聲有長短非言壽命也

青青園中葵。朝露待日晞。陽春布德澤。萬物生光
輝。常恐秋節至。焜黃華葉衰。百川東到海。何時復

西歸少壯不努力老大徒傷悲

此警廢學之詩首六以園葵比少壯之易成老大布德生光正形容及時續學不可怠荒百川

一二句以百川比老大之難復少壯末二點清勉厲本旨可當晨鐘

去

君子行

相和歌辭平調曲

君子防未然不處嫌疑間瓜田不納履李下不整

冠嫂叔不親授長幼不比肩勞謙得其柄和光良

獨難

勞功也言有功而處之以謙猶持物之得其柄

周公下白屋吐哺不

及餐一沐三握髮後世稱聖賢

史記魯世家周公戒伯禽曰我於天

下亦不賤矣然我一沐三捉髮一飯三吐哺以待士猶恐失天下之賢

此言人既當避嫌疑尤當守謙和也。上下兩扇立柱分承。詩中創體前六言君子必慎嫌疑。排舉四事以概其餘。兩言其小。兩言其大。納履正冠。造句尤趣。後六言君子必貴謙和。却不用排調。只舉周公一人為法。即吐哺握髮二事。亦牽上搭下出之。不整作對局勢。極變換錯綜。

猛虎行
相和歌辭平調曲。○按郭樂府於此題不首列此辭。反在魏武帝辭題下。

注出誤

饑不從猛虎食。暮不從野雀棲。野雀安無巢。遊子為誰驕。
棲在齊韻。霽韻之平聲。霽與食字為回互通。此因去兼及三聲之叶也。且合下二句作與蕭肴二韻。第三部通韻亦可。

此客遊不合思歸之詩。首二不苟食棲。雙提突起。不可寄托意。說得決然。末二轉到當歸語。雖

單頂。意實雙承。言野雀則安分無巢。遊子何爲辭家久客。徒致人怪。不苟棲食之以貧賤。驕人也。自嘲之中。仍帶人不。知我意。章法極其詭變。

相逢行

相和歌辭清調曲一作相逢狹路間行亦作長安有狹斜行○樂府解題

古辭文義與雞鳴曲同晉陸機長安狹邪行則言世路險狹邪僻正直之士無所措手足也穀按解題於雞鳴曲先未得解此云與同亦誤但語句則多同耳

相逢狹路間。道隘不容車。不知何年少。夾轂問君

家。

卽問年少之家也

君家誠易知。易知復難忘。黃金爲君

門。白玉爲君堂。堂上置尊酒。作使邯鄲倡。中庭生

桂樹。華燈何煌煌。兄弟兩三人。中子爲侍郎。

中子卽所

見年少也。五日一來歸。道上自生光。黃金絡馬頭。觀者

盈路傍。入門時左顧。但見雙鴛鴦。鴛鴦七十二。羅

列自成行。音聲何囀囀。鶴鳴東西廂。大婦織綺羅。

中婦織流黃。小婦無所爲。挾瑟上高堂。丈人且安

坐。調絃殊未央。一作調絃未遽央。按後六句後人摘爲三婦艷。

此見少年富貴者而賦之。健美之中。寓有諷意。首四以逢車夾問敘起。已含氣餒逼人。意君家

二句。暗頂問明。以易知難忘。顯出平素聲名表

表。特筆總挈。黃金六句。承家字先敘官室之美

并宮室中置酒挾倡。植樹轉燈之華。兄弟六句

補寫其貴。隨就歸道爭觀。指出赫奕起處。未詳

蓋畱此處地也。入門六句。述歸家耳目之娛。門

堂等項。前已說過。故只就所見所聞。鴛鴦鳴鶴

以該珍奇之集。而羅列嘲讎。卽以引起三婦末
六。以妻妾之奉終之。綺羅流黃。皆害女紅。而挾
瑟調絃。更是嬌癡滿
眼。羨之乎。抑諷之也。

善哉行

相和歌辭
瑟調曲

來日大難。口燥唇乾。今日相樂。皆當喜歡。一解經歷

名山。芝草翻翻。仙人王喬。奉藥一丸。二解○王喬

自惜袖短。內手知寒。內音慙無靈輒。以報趙宣。三解

○左傳。初宣子田於首山。舍於翳桑。見靈輒餓。爲
之簞食。與肉。置諸橐。以與之。旣而與爲公介。倒戟
以禦公。徒
月沒參橫。北斗闌干。親交在門。饑不及

餐。四解歡日尚少。戚日苦多。以何忘憂。彈箏酒歌。五解

淮南八公要道不煩參駕六龍遊戲雲端六解○列仙傳

淮南王好道有八公詣門鬚眉皓白授以丹經三十六卷與王白日升天

此寒士飲譙於富貴之家有感而作首解以飲譙不能常有突作透後之筆跌起折到今日且當喜歡點清詩意二解跟今日二句申寫上二以仙山比富貴之家言其供具之美下二以仙人比主人言其好客而待以酒食也三解就已不能答席致慙袖短手寒賦已之貧卽有力不能心意落到有施無報引古拓醒四解又推開就已平日每當暮夜客來不能畱之一飽申說窘況以見難於答席初非誑語今茲高會殊爲非分五解跟首解咏嘆以足之點明彈箏酒歌當日筵宴之盛末解設爲妄想說向後去言除非主人得如淮南已亦同八公之有要道授丹訣而共升雲路乃可無來日之苦難耳暗兜作結意境空靈○此詩之解參於雪村乃定良友

啟牖用
藏弗忘

西門行

相和歌辭瑟調曲○此為晉樂所奏其古辭不分解與此小異

出西門步念之今日不作樂當待何時

一解

夫為樂

為樂當及時何能坐愁悌鬱當復待來茲

二解

飲醇

酒炙肥牛請呼心所歡可用解愁憂

三解

○言與心歡者謀解

憂之法

人生不滿百常懷千歲憂晝短苦夜長何不

秉燭遊

四解

自非仙人王子喬計會壽命難與期自

非仙人王子喬計會壽命難與期

五解

人壽非金石

年命安可期貪財愛惜費但為後世嗤

六解

此詩言人壽不長。必當及時行樂。不可惜費也。意與十九首中。生年不滿百。章大畧相同。語句亦多襲用。然古詩樂府。殊厭體裁。此處正可互參。證取同工異曲。首解。以出門步念。引起不樂。何待大旨全提。二解。正轉到樂當及時。點出坐愁有待之悞。筆意超忽。三解。以飲酒炙牛。括舉行樂之實。是卽不貪財而愛惜費也。以上俱就自己身上說。轉到呼心所歡。用解愁憂。則欲推此樂以及人。以下三解。皆作告歡語看。四解。揭出人生年促。徒抱長憂之妄。是所以當及時行樂之故也。夜尚當遊。何況於晝。則更就及時意。跌進一層。五解。頂人生句意申寫。除是神仙。乃能長壽。仙人之壽。何可概期。反覆言之。以破百年外之癡想。末解。更接前意。轉深一層。壽非金石。安可預期。不特百年不滿。抑且朝暮難知。暗繳爲樂解憂。及時不可少待意。十分醒透。然後就不知行樂解憂者。指出其惜費病根。受嗤明驗。反拓作收。真有神龍掉尾之勢。

東門行

相和歌辭瑟調曲。○此爲晉樂所奏其古辭不分解與此小異

出東門不顧歸來入門悵欲悲盎中無斗儲還視

桁上無懸衣

一解○盎盎也。桁衣架也。

拔劍出門去兒女牽衣

啼他家但願富貴賤妾與君共餽糜

二解○糜糜二解○

共餽

糜上用倉浪天故下爲黃口小兒

倉一作滄倉浪天卽蒼天也用

因也言上因乎天命之故也通志男女初生日黃口

今時清廉難犯教言君

復自愛莫爲非

三解

今時清廉難犯教言君復自愛

莫爲非行

句

吾去爲遲平慎行望君歸

四解

此貧士棄家出門其婦始畱繼送之詩向來分解殊屬割裂不安今姑仍舊注明而以鄙意自

分段落。首八總敘其夫出門情事。以出門已不顧歸。突然而起。落筆前。已包多少躊躇憤痛意在。三四。忽然而折轉。作一曲勢。却以悵悲領下二語。點清無食無衣。不能存活之苦。然後拔劍句。正寫出門。兒女句。便先爲其婦挽留。作一引筆無數曲折。恰將下半意思。一齊提動。他家十一句。皆婦婉留之辭。而又分兩層。他家五句。先頂無食衣意申說。不願富貴。惟願同貧。而明其故於天命當安。黃口當顧。勸勿浪遊。已極懇切。黃口句。恰兜應牽衣。今時六句。又頂拔劍竟去。氣色不好。恐其積忿所激。行險爲非。以圖富貴。致犯教言。故反覆丁寧以申戒之。行吾去五字。乃夫答辭。一行字爲句。遙跟拔劍句來。已說得斬釘截鐵。更伸吾去爲遲句。直兜應篇首已出復歸末六字。又婦答辭。知其行計已決。只得勸其早歸。平慎二字。仍抱轉今時一層意。一望字。又抱轉他家一層意。兩邊收束。滴滴歸源。○如臯范拙存歷代詩發一書。詮釋鮮當。獨此詩行吾

去爲遲。解作一一一四兩句。是夫答
辭。恰與鄙意印合。何殊暗室一燈。

婦病行

相和歌辭
瑟調曲

婦病連年累歲。傳呼丈人前。一言丈人當言未及

得言不知淚下。一何翩翩屬累君。兩三孤子莫我

見。飢且寒。有過慎莫笞。麻無子。笞以篋也。行當折

搖。思復念之。言已當夭折。有搖動也。曰抱時無衣。

襦復無裏。閉門塞牖舍。句孤兒到市道。逢親交泣

坐。不能起。從乞求。與孤買餌。對交啼泣。淚不可止。

我欲不傷悲。不能已。我親友。探懷中錢持授。交入

門見孤啼索其母抱徘徊空舍中行復爾耳棄置
勿復道亂前十一句裏市起解止已爲韻乃紙真
二韻第二部三聲通韻亂後六句抱道爲
韻

此刺人不恤其無母孤兒之詩然不恤意都在
病婦口中親交眼中空際兩面顯出絕不一語
正寫蓋斥父不慈非以教孝避實就虛固是文
家妙訣亦其忠厚得體處也良工心苦曉者實
難詩九句追敘其婦將死丁寧其夫善視其子
之事皆題前反跌也起四句婦病已久夫不在
旁欲言必待傳呼未言先已下淚寫景淒苦之
中已將其人之平素不顧妻孥憑空一擊屬累
三句正寫丁寧反伏後案必待如此丁寧則丁
寧未必有用綴以行當二句愈覺嗚咽亂前九
句正敘無母孤兒之苦皆父之不恤使然也仍
不一語道破抱時二句指孤兒之小者無衣無

裏應前寒字。閉門七句。指孤兒之大者。到市逢
交。乞錢買餌與弟。泣不能起。淚不可止。反覆寫
出可憐。買餌應前飢字。後八句。敘親交見而悲
傷。與錢送歸。徘徊歎息之事。皆題後反襯也。索
其母抱直。應婦病丁寧。空舍徘徊。顯出其父不
在。行復爾。勿復道。言母死幾時。竟至於此。父已
不顧我。且奈何。如此收住。父之過微而顯矣。

孤兒行

相和歌辭。瑟調曲。一作孤兒生行。一作放歌行。

孤兒生。孤兒遇。生命當獨苦。

言孤兒而生於世。亦孤兒之遭遇。其生命

當獨苦也。

父母在時乘堅車。策駟馬。父母已去。兄嫂令

我行賈。南到九江。東到齊與魯。臘月來歸。不敢自

言苦。頭多蟣蝨。面目多塵。

蟣蝨。子也。

大兄言辦飯。太嫂

言視馬。上高堂。行取殿下堂。孤兒淚下如雨。取同

古注古者屋之高嚴通呼曰殿堂即殿也以言辦

飯故上堂而進內又言視馬故趨殿而下堂也

此段廢馬二韻第二部通韻塵在真韻真之入聲

為質與虞馬韻之去聲通焉為回互通則為兩推

兼及三聲之叶也然作四使我朝行汲暮得水來

句趕下竟不用韻亦可

歸手為錯。足下無菲。錯裂也菲通愴愴履霜中多

蒺藜。拔斷蒺藜。腸肉中愴欲悲。蒺藜草名子淚下

漑漑。清涕纍纍。漑漑淚流貌冬無複襦夏無單衣。

居生不樂不如早去。下從地下黃泉。泉在先韻先

肩與支微齊之去聲寘朱霽為回春氣動草萌芽。互通此兩推兼及三聲之叶也

三月蠶桑六月收瓜。將是瓜車來到還家。將扶瓜進也。

車反覆助我者少。啗瓜者多。反同翻。三句願還。

我蒂獨且急歸。兄與嫂嚴當與較計。願還蒂謂尚可點數目也。

與較計相與計議凌虐之法也。○歸與蒂計叶。此徵蠶二韻第二部三聲通韻。亂曰。里中

一何譊譊。譊譊多言也。言家中願欲寄尺書將與

地下父母兄嫂難與久居。譊字本可不入韻中。然文勢一句頓斷作魚肴

二韻第三部通韻爲是。

此見兄嫂虐使孤兒代爲訴苦之詩。起三句以孤兒命句。總挈通章。下分三段寫首段。自父母句起。至淚下如雨止。皆言行賈辛勤。歸來兄嫂不恤之苦。父母在時三句。題前反襯。父母已去

二句。本段提筆。而惟因親沒。故兄嫂得以虐之。又是全篇點眼。直注亂中寄書地下意。南到四句。正敘遠賈晚歸之苦。頭多七句。接上不敢自言。言出門勞頓。兄嫂莫知。而風塵憔悴之形。亦應共見。乃辦飯視馬。使令迭來。上堂下堂。進退維谷。孤兒能不淚下如雨乎。曲折寫來。畧作頓勢。次段自使我句起。至地下黃泉止。皆敘遠汲之苦。使我二句。接上直入。不更裝頭。總見無一息暫休意。手爲五句。正敘遠汲手錯足傷之苦。淚下四句。頂悲字複說涕淚。補出無衣。冬字應前臘月。夏字又領後六月也。居坐三句。歸到不樂生。幸速死。本段束筆。恰又逗起亂意。三段自春氣句起。至當興較計止。敘收瓜覆車。兄嫂較計之苦。春氣四句。遙接前臘月履霜。由時序逐漸引起。以虛筆括過蠶桑。遞入收瓜本事。紆徐搖曳而來。與上截文法大變。上是直接法。此是脫接法。上是急受法。此是緩受法。各極其妙。將是五句。正敘收瓜將車。取覆勞而失誤之苦。助

少陷多真堪一歎。願還四句。一面求人見憐。一面急歸告訴。見得此番較計。必定受苦異常。收足兄嫂之嚴。已將亂意喝起。亂語有不必多言。拚得一死意。雖單頂第三段申說。然全篇亦借以總收。書寄父母。直抱轉父母已去。下從地下黃泉等句。作呼應。兄嫂難與久居。則上文無數虐使。到頭結穴也。通體照應謹嚴。接落變換。敘次簡古。無美不臻。○婦病孤兒兩行。神妙匹敵。一則以襯托虛擊法見體裁。一則以層累實敘法見力量。且皆有亂語。一則詩短亂長。一則詩長亂短。亦於同中示異。愚意直是一人手筆。有意因題制變。留此兩絕作耳。

艷歌行

相和歌辭。瑟調曲。○古今樂錄曰。艷歌非一。有直云艷歌。卽艷歌行是也。

若羅敷何嘗雙鴻福

鍾等行皆作艷歌

翩翩堂前燕。冬藏夏來見。兄弟兩三人。流宕在他

縣故衣誰當補。新衣誰當綻。

禮內則衣裳綻裂。紉歲請補綴。廣韻集韻

正韻並綻衣縫也。亦作組。而此則卽作補綴意。傳誤也。

賴得賢主人。覽取爲

我組。

內主人謂

夫壻從門來。斜倚西北盼。

夫壻主語人也。

卿且莫盼水清石自見。石見何粲粲。遠行不如歸。

此客子倩居停婦縫衣。主人見疑。詩以曉之。且自傷不得歸也。首四以燕之冬藏夏見。皆有安

巢。反興起已之流宕不歸。故衣六句。正敘客久衣敝。感婦組衣。其夫見而生疑之事。斜倚而盼

形容如畫。語卿二句。客曉其夫之辭。以喻出之言簡意括。末二其夫答辭。蒙上喻接口而下。言

心迹雖明。不如歸去之嫌疑。自釋遠行思歸本旨。反在對面醒出。亦奇變。

艷歌何嘗行

相和歌辭瑟調曲。一作飛鵲行。一作大曲。○詩紀以念與君離

別以下另
爲一首

飛來雙白鵲。乃從西南來。十十五五。羅列成行。一

妻卒被病。行不能相隨。五里一返顧。六里一徘徊。解

二。吾欲噙汝去。口噤不能開。吾欲負汝去。毛羽何

摧頽。三。樂哉新相知。憂來生別離。躊躇顧羣侶。淚

下不自知。四。解。○支灰韻。去聲。爲寘隊陽之入聲。

等字。乃兩推兼。念與君離別。氣結不能言。各各重

及三聲之叶也。自愛遠道歸還難。妾當守空房。閉門下重關。若生

當相見。死者會黃泉。今日樂相樂。萬歲期延年。念

下爲趨

此人將挈妻遠行其妻病不能隨訣別之詩前三解以白鵲本自成雙十五五莫不如此今因雌病難以隨雄致使其雄反顧徘徊欲去不可欲負不能將一時情事皆於此意中顯出運實於虛筆饒古趣第四解方着人說生望顧羣淚下之痛從新相知之樂反面跌出愈覺難堪以上皆夫語婦之辭趨前八句婦答之辭接言離別痛心旋以各自愛勸慰一句點清遠道還歸之難然後以已雖靜守空房將來生死未卜會見難期暗兜被病難隨咽住曲折之極末二仍是夫辭死別之慘刺耳刺心不忍出口故反以今日且樂爾定延年歡期正久勸慰作結真達得無可奈何心口相違意出

隴西行

○相和歌辭瑟調曲一作步出夏門行樂府解題此篇出詩集不入樂志

通志曰秦置隴西郡以居隴坻之西爲名

天上何所有。歷歷種白榆。桂樹夾道生。青龍對道

隅。鳳凰鳴啾啾。一母將九雛。顧視世間人。爲樂甚

獨殊。好婦出迎客。顏色正敷愉。伸腰再拜跪。問客

平安不不同否。請客北堂上。坐客紈羅綸紈羅織毛蓐也

清白各異尊。酒上正華疏疏與蔬同。酌酒持與客。客言

主人持却略。再拜跪。然後持一杯却略少退也。談笑未

及竟。左顧勅中厨。速令辦粗飯。慎莫使稽留。廢禮

送客出。盈盈府中趨廢禮終禮也。送客亦不遠。足不出

戶樞取婦得如此齊姜亦不如健婦持門戶亦勝

一丈夫

此支灰魚虞尤五韻第二部通韻

此羨健婦能持門戶之詩。舊解皆云中含諷意。蓋因婦人宜處深閨不應自應賓客也。然玩詩意以鳳凰和鳴一母九雛興起則此好婦之無夫少子白可想見。門戶既藉以持賓客胡能不待觀其中幅敘事後幅斷結絕無含刺之痕。只作羨之爲是起八句言天上物物成雙鳳凰和鳴惟有將雛之樂以反興世間好婦不幸無夫少子白出待客之不得已來似與下文氣不屬却與下意境相關而篇局開展亦增多少色澤好婦句起至足不出戶樞止一大截總言婦之能持門戶獨舉待客言者以婦人而持門戶待客尤難也好婦四句敘其迎客拜問請客八句敘其安坐酬酒談笑四句敘其勅厨促飯廢神四句敘其禮畢送客事事中禮却處處引嫌真

乃雙管齊下。末四贊歎作收點。
出持門戶。勝丈夫。通章結穴。

女門人王瑗佩霞複校

古詩賞析卷五

古詩賞析卷六目錄

漢詩

無名氏

傷歌行

悲歌

枯魚過河泣

古歌

古歌

古絕句

四首
選二

淮南歌

二首

鮑司隸歌

朱雲語

燕燕謠

逐彈語

邪徑謠

投閣語

後漢詩

梁鴻

五噫歌

張衡

四愁詩

四首
并序

朱穆

與劉伯宗絕交詩

蔡邕

翠鳥

飲馬長城窟行

琴歌

孔融

雜詩

二首
選一

辛延年

羽林郎

宋子侯

董嬌嬈

竇玄妻

古怨歌

蘇伯玉妻

盤中詩

麗玉

笙篴引

蔡琰

悲憤詩

古詩賞析卷六

吳縣張玉穀蔭嘉選解

蔣曾煊德融

門人

蔣曾熿德明

校字

甥 嚴廷燦暎初

男 大鎔禹金

漢詩

無名氏

傷歌行

雜曲歌辭○郭樂府
傷歌行側調曲也

漢

昭昭素明月。輝光燭我牀。憂人不能寐。耿耿夜何長。微風吹闔闔。羅帷自飄揚。攬衣曳長帶。屣履下高堂。東。西。安。所。之。徘徊以傍徨。春鳥翻南飛。翱翔獨翱翔。悲聲命儔匹。哀鳴傷我腸。感物懷所思。泣涕忽沾裳。佇立吐高吟。舒憤訴穹蒼。

此思婦之詩。前十。以明月燭牀。引起夜長難寐。微風飄帷。引起下堂傍徨。寫情帶景。逡巡而來。春鳥四句。賦見聞也。然卽以自比。春時思匹。借此點清詩境。開展空靈。全賴此處。末四。頂上醒出懷人本旨。卽以見在吟詩吐憤收住。

悲歌

雜曲
歌辭

悲歌可以當泣。遠望可以當歸。思念故鄉。鬱鬱纍

纍。欲歸家無人。

欲渡河無船。心思不能言。腸中車

輪轉。

後四句先銑二韻。第四部三聲通韻。

此客子思歸之詩。首二。憑空突喝而起。在通章爲得逆勢。而以悲歌置遠望之前。又是逆中之逆。不曰聊以。而曰可以。造句亦奇。中四頂次句作解。惟不能歸。所以遠望。末二頂起句作收。惟其欲泣。所以悲歌。

枯魚過河泣

雜曲歌辭

枯魚過河泣。何時悔復及。

言雖悔之。何作書與魴。時可復及也。

魴相教慎出入。

此罹禍者規友之詩。出入不謹，後悔無及。却現枯魚身而爲說法，大奇大奇。

古歌

雜曲歌辭

秋風蕭蕭愁殺人。出亦愁入亦愁。座中何人誰不懷憂。令我白頭。胡地多飈風。樹木何脩脩。胡一作故。脩通。

離家日趨遠。衣帶日趨緩。心思不能言。腸中車輪轉。

此作客胡地思歸之詩。前六就秋風引入愁思。亦是逆起而用筆有驚飈驟至之勢。首句是綱。山愁入愁。頂愁申說。再用座中二句推開作陪。然後折出令我白頭來。一氣直下。句句頓挫。妙絕。後六點明胡地久淹。愁心莫訴。飈風樹木。明應起處。帶緩而腸終轉。是所以白頭之故也。○

離家二語與古詩行行重行行篇止改一字而結二語則直與前悲歌同古人以意運詞不妨沿襲往
往如此

古歌

雜曲
歌辭

高田種小麥終久不成穗男兒在他鄉焉得不憔悴

比也他鄉最易憔悴說得極直捷而其故却仍未說破又極含蓄

古絕句

四首選二○
雜曲歌辭

藁砧今何在山上復有山何當大刀頭破鏡飛上

天葛常之詩話古辭藁砧砧也山上有山出也大
刀頭刀上有鐶也破鏡言半月當還也按藁砧

今之打柴石。古人名硃。借指夫也。刀上有環。借作還歸之義。

二詩皆思婦之詞。此首數歸期也。通體用隱語。古趣盎然。後代子夜讀曲等歌。皆由此出。

兔絲從長風。根莖無斷絕。無情尚不離。有情安可別。

此首表相思也。兩句比例。一句折落。一句點題。意極醒豁。而仍未說盡。故佳。

淮南歌

二首。○雜歌謠辭。○漢書淮南厲王長。高帝少子也。長廢法不軌。文帝不

忍置之。法乃載以輜車。處蜀嚴道。卽郵遣其子。子母從居。長不食而死。後民有作歌歌淮南王。帝聞之。乃追尊淮南王爲厲王。置園如諸侯儀。

一尺布尚。可縫一斗粟尚。可舂。兄弟二人。不相容。

此兩層反比。一句正拍格也。而比意言小物尚
可成就。以見人本無棄材。跌落不相容。是責帝
平日不能教訓。以致執法。

一尺布暖融融。一斗粟飽蓬蓬。兄弟二人不能相

容。

布一作縵。暖融融一作
作好童童斗一作升。

格與上首同。而比意翻進一層。言苟能成就。無
不可用之得益。以見人皆識報恩。跌落不相容。
是惜帝事發不能保全。以致道死。
二歌義各有當。正未許掉以輕心。

鮑司隸歌

雜歌謹辭。○列異傳云。鮑宣。宣子
永。永子昱。三世皆爲司隸。而乘一

驄馬。京師

人歌之。

鮑氏驄。三人司隸。再入公馬。雖瘦行步工。漢書百
官表。司

隸校尉周官武帝征和四年初置持節從中都官徒千二百人註以掌徒隸而巡察故云司隸又宣本傳上感大異納宣言拜宣爲司隸時

哀帝改司隸校尉但爲司隸官比司直美鮑氏之世貴而廉飭也世貴用明點廉飭意只在馬瘦行工上顯出妙於語言

朱雲語

雜歌謠辭○漢書少府五鹿充宗貴幸爲梁邱易元帝好之欲考其異同

令與諸易家辨論充宗乘貴辨口諸儒莫能抗有薦朱雲者召入攝齊登堂抗首而講連拄五鹿音動

左右故諸儒語曰

五鹿嶽嶽朱雲折其角嶽嶽高峻之貌

卽在鹿字生意罕譬而喻趣甚

燕燕謠

雜歌謠辭○漢書五行志成帝時童謠云云其後帝爲微行出遊富與富

平侯張放俱稱富平侯家人過河陽主作樂見舞者趙飛燕而幸之故曰燕燕尾涎涎美好貌也張公子謂富平侯也木門倉琅根謂宮門銅鍔言將尊貴也後遂立爲皇后與弟昭儀賊害後宮皇子卒皆伏辜所謂燕飛來啄皇孫皇孫死燕啄矢者也師古注涎涎光澤貌倉琅根門之鋪首及銅鍔也銅色青故曰倉琅鋪首唧環故謂之根鍔同環

燕燕尾涎涎張公子時相見木門倉琅根燕飛來啄皇孫皇孫死燕啄矢

首二燕字一字一句矢溺也

首五句狀燕之美與其遇合之由中三言燕之既貴而肆其毒末二傷燕之亦不得其死謠在事前若隱若顯音節古奧

逐彈語

雜歌謠辭○西京雜記韓嫣好彈以金爲丸京師兒童聞嫣出彈輒隨之

望丸落處拾取焉長安語云云

苦飢寒逐彈丸

只說逐者飢寒而嫣之奢侈自見節短意深

邪徑謠

雜歌謠辭○漢書五行志成帝時歌謠云云桂赤色漢家象華不實無繼嗣也王莽自謂黃象巢其巔篡形已成也

巢其巔篡形已成也

邪徑敗良田。讒口亂善人。桂樹華不實。黃爵巢其巔。

昔爲人所羨。今爲人所憐。

謠言漢末之將亂也。首二一比一賦顯述亂源中一託爲隱語實指亂象後二惋惜作結却就

晉羨跌出
今憐曲甚。

投閣語

雜歌謠辭。○漢書王莽篡位後復上

符命者莽盡誅之時楊雄校書天祿閣使者欲收雄雄恐乃從閣自投幾死京師爲之語曰

惟寂寞自投閣爰清靜作符命

作符命所以致於投閣之故也。語用逆敘法以寂寞清靜代作解嘲而嘲之愈毒真足使作劇秦美新者無處生活。

後漢詩

梁鴻

字伯鸞平陵人家貧尚節介與妻孟光偕隱霸陵山中後東出關適吳易姓運期名

燿依臯伯通廡下潛閉著書十餘篇卒葬要離冢傍

莫愛美

五噫歌

雜歌謠辭。○後漢書：鴻東出關，過京師，作五噫之歌。肅宗聞而非之，求鴻

不得。

陟彼北邙兮。噫。北邙山名。顧瞻帝京兮。噫。宮闕崔巍兮。

噫。民之劬勞兮。噫。遼遼未央兮。噫。

此感勞民興造而作。首二從登高望遠說起。三四為主句。末句有伊於何底之意。無窮悲痛。全在五个噫字托

出。真是創體。

張衡

字子平。南陽西鄂人。少善屬文。安帝時徵爲郎中。遷太史令。順帝陽嘉中。遷侍中。官

官懼其毀已共譏之。出爲河間王相。徵拜尚書卒。

四愁詩

四首并序。○雜曲歌辭。

張衡不樂久處機密。陽嘉中出爲河間相。時國王驕奢不遵法度。又多豪右兼并之家。衡下車治威嚴。能內察屬縣。姦猾行巧劫。皆密知名。下吏收捕盡服。擒諸豪俠遊客。悉惶懼逃出境。郡中大治。爭訟息。獄無繫囚。時天下漸弊。鬱鬱不得志。爲四愁詩。效屈原以美人爲君子。以珍寶爲仁義。以水深雪雰爲小人。思以道術相報貽。於時君而懼讒邪。不得以通其辭。曰。

我所思兮在太山。欲往從之梁父艱。

梁父太山名。側下小山名。

身東望涕霑翰。

五臣注翰衣襟也。

美人贈我金錯刀。何以

報之英瓊瑤。

漢書王莽鑄大錢。又造錯刀。以金錯其文。謝承後漢書。詔賜應奉金錯把

刀。穀按二路。說皆可通。

遠莫致倚逍遙。何爲懷憂心煩勞。

我所思兮在桂林。欲往從之湘水深。

漢書鬱林郡本秦桂林郡。

說文。湘水出零陵陽海山。至巴邱入江。

側身南望涕霑襟。美人贈我

金琅玕。何以報之雙玉盤。

琅玕美玉。

路遠莫致倚惆悵。

何爲懷憂心煩傷。

前後三章皆前三後四換韻。叠押此首後半似異。不知悵傷三

聲原通。而此與玕盤字協者。則第一部陽韻與第四部寒韻兩界既通。并通兩界三聲也。與前後仍

例一

我所思兮在漢陽欲往從之隴坂長

漢書天水郡明帝改曰漢

陽應劭注天水有大坂名曰隴坂側身西望涕霑裳美人贈我貂

襜褕何以報之明月珠

說文直裾謂之路襜褕今蔽膝也

路遠莫致

倚踟躕何爲懷憂心煩紆

我所思兮在雁門欲往從之雪雰雰

漢書有雁門郡劉補注雁

門衆山相連中有水道如門雁出其間側身北望涕霑巾美人贈我

錦繡段何以報之青玉案

楊用修云案古碗字

路遠莫致倚

增歎何爲懷憂心煩惋

四詩作意盡於序中效屈原以美人爲君子五句篇皆分兩截看上截三句傷身之不得近侍

君側以小人之間阻也。就東南西北舉地爲比。顯出四面把持之意。下截四句言君之待我甚厚。我亦思厚報之。無奈惓惓之忠。遠而難達。是以心常懷憂。金錯刀言使我貴。英瓊瑤告以精誠堅潔。金琅玕言使我富。雙玉盤。勗以虛受兼容。貂襜褕言使我溫。明月珠。期以照察無私。錦繡段言使我華。青玉案。望以勉飯自愛。實分四意。其餘則無甚分別。亦是創體。○七言詩雖始於相梁。然屬聯句。非正體也。溯厥源流。此爲鼻祖。○五噫四愁。皆得風騷遺意。故讀去祇覺纏綿。不嫌排複。徒求形肖。失之轉賒。

朱穆

字公叔。南陽宛人。大將軍梁冀辟典兵事。遷御史。數奏記諫冀。出爲冀州刺史。發宦

者趙忠父塚。陳其尸。桓帝逮詣廷尉。太學生劉陶等守闕訟穆得免。徵拜尚書中官。數因事稱詔詆毀之。憤懣發疽卒。

與劉伯宗絕交詩

文士傳穆與劉伯宗絕交書曰昔我為豐令足下不

遭母憂乎親解纓經來入豐寺足下今為二千石我下為郎乃因計吏以謁劉伯宗

於仁義道何其薄哉

北山有鴟不潔其翼

鴟鴞鴞惡鳥

飛不定相寢不定息

飢則木覽飽則泥伏饕餮貪汚臭腐是食

左傳縉雲氏有

不才子貪於飲食天下之人謂之饕餮

莊子神奇化為臭腐填腸滿嗉嗜欲無

極處亦作滕

長鳴呼鳳謂鳳無德鳳之所趨與

子異域永從此訣各自努力

此屋職二韻第一部通韻

前十以鴟比劉由動不中禮遞落貪得無厭刻畫形容先透當絕之故後六以鳳自比點明與

絕也。却又從鴟之謂鳳無德對面挑起。更為鴟
添取一重怙惡傷善罪案。然後以鳳與異趣。繳
清永訣。各自努力。反若
最知已語。何其敏妙。

蔡邕

字伯喈。陳留圉人。建寧中。辟司徒橋立府
出補河平長。徵拜郎中。校書東觀。遷議郎。

靈帝崩。董卓為司空。辟邕還為尚書侍
中。及卓誅。王允收邕付廷尉。死於獄。

翠鳥

庭甌有若榴。綠葉含丹榮。

甌。隅也。若榴。卽石榴。

翠鳥時來集。

振翼脩容形。回顧生碧色。動搖揚縹青。幸脫虞人。

機。得親君子庭。馴心托君素。雌雄保百齡。

君素。謂君之素。

也。心

借翠鳥以詠依托之得人也。臣道妻道都在裏許。首二以庭樞含榮可以依托。就彼邊逆起中四。遞落鳥集隨自表其形容。都就翠字設色。後四醒出依托得所。願保久長之意。以幸脫危機。翻入便不平順。

飲馬長城窟行

相和歌辭。瑟調曲。文選作古辭。玉臺作蔡邕。蔡集亦載。

樂府解題。古辭傷良人遊蕩不歸。若魏陳琳之辭。飲馬長城窟。水寒傷馬骨。則言秦人苦長城之役也。酈道元水經注。始皇二十四年。使太子扶蘇與蒙恬築長城。起自臨洮。至於碣石。東暨遼海。西並陰山。凡萬餘里。

青青河邊草。綿綿思遠道。遠道不可思。宿昔夢見之。宿昔。隔夜也。列子。周穆王籛周之尹氏大治產。有役人昔昔夢爲人君。尹氏昔昔夢爲人僕。

夢見在我傍。忽覺在他鄉。覺音他鄉各異縣。展轉

不可見。枯桑知天風。海水知天寒。喻惟獨居者知

入門各自媚。誰肯相為言。客從遠方來。遺我雙鯉

魚。呼童烹鯉魚。中有尺素書。夷白齋詩話云。古詩客從遠方來云云。魚

腹中安得有書。古人以喻隱密也。魚潛沉之物。故云。丹鉛餘錄。古樂府詩。尺素如殘雪。結成雙鯉魚。要知心裏事。看取腹中書。據此詩。古人尺素結為

鯉魚形。即緘也。非如今人用蠟文。選客從遠方來。遺我雙鯉魚。即此事也。下云。烹魚得書。亦譬況之辭耳。五臣及劉履謂古人多於魚腹寄書。引陳涉

單魚事證之。何異痴人說夢耶。長跪讀素書。書中竟何如。上有加

餐食。下有長相憶。

此詩只作閨怨解。首八句。先敘我之思彼。而不得見。首句比興兼有。以草況思。比也。卽草引思興也。旋即撇思入夢。由夢轉覺。旣覺復思。八句四轉。就不可見頓住。情怳迷離。極其曲折。枯桑四句。頂上各異。縣來言獨居之苦。惟獨居者知之。收上我之思彼。卽爲下彼之思我。引端却不。用正說。突插枯桑海水二喻。憑空指點。更以有耦者之入門各媚。不肯相慰。以言顯出莫可告訴神理。卽反挑下文。彼邊寄書。後八句。頂上相爲言來。將已欲寄書慰彼之意。在彼寄書慰我中顯出。然從客來遺魚烹魚有書。閒閒敘入。是急脉緩受法。長跪兩語。寫出鄭重驚疑。竟括彼書懷已之意。闕然而止。而我思彼。愈不能已之意。不綴一辭。已可想見。又是意到筆不到之妙境。一詩中能開無數法門。斯爲傑構。

琴歌

琴曲歌辭。郭樂府失載。○詩紀。邕爲釋誨之文。設爲胡老援琴而歌。

練余心兮浸太清。滌穢濁兮存正靈。和液暢兮神氣寧。情志泊兮心亭亭。耆欲息兮無由生。踔宇宙而遺俗兮。渺翩翩而獨征。

前五總寫琴理。而首句又其綱也。歸本一心。視伯牙操更得要領。後二拍合琴聲。不粘不脫。

孔融

字文舉。魯國人。少有重名。舉高第。爲侍御中。遷虎賁中郎將。以忤董卓。出爲北海太守。累遷大中大夫。數以書諍曹操。爲操所害。

雜詩

二首
選一

遠送新行客。歲暮乃來歸。入門望愛子。妻妾向人悲。聞子不可見。日已潛光輝。孤墳在西北。常念君

來遲。褰裳上墟邱。但見蒿與薇。白骨歸黃泉。肌體
乘塵飛。生時不識父。死後知我誰。孤魂遊窮暮。飄
飄安所依。人生圖厚息。爾死我念追。厚古。俛仰內
嗣字。傷心不覺淚沾衣。人生自有命。但恨生日希。

此悼子之詩也。首八敘明遠出來歸。卽點望子。
反領擒題。隨借妻妾之悲。爲已悲先作一引。接
敘其語。醒出已沒。日潛光輝。突入一比。指其孤
墳。而訴其常念。正爲下半傷悼發端。褰裳四句。
頂孤墳來。傷其骨肉之已寒也。生時四句。頂來
遲來。傷其魂魄之無依也。以上兩層。俱就子邊
說。人生四句。方就已邊。正寫喪子之悲。末二。畧
作開勢。仍復兜回。傷子自傷。無不包括。收得曲
折簡勁。

辛延年

羽林郎

雜曲歌辭。漢書武帝太初元年初置建章營騎後更名羽林騎屬光祿

勳又取從軍死事之子孫養羽林官教以五兵號羽林孤兒師古注羽林宿衛之官言其如羽之疾如林之多一說羽所以爲主者羽翼也

昔有霍家奴姓馮名子都

漢書霍光傳初光愛幸監奴馮子都嘗與計事

及顯寡居與子都亂晉灼注漢語東閭氏亡顯以婢代之素與馮殷姦師古注殷者子都名

依

倚將軍勢調笑酒家胡酒家之胡姬也胡姬年十五春日

自當壚長裾連理帶廣袖合歡襦頭上藍田玉耳

後大秦珠

史記司馬相如傳師古注賣酒之處累土爲壚以居酒瓮四邊隆起形似銀壚

故名襦短衣藍田京兆地名產兩鬟何窈窕一世

良所無一鬟五百萬兩鬟千萬餘不意金吾子娉

婷過我廬銀鞍何煜燿翠蓋空踟躕漢書百官志

金革以禦非常古今注金吾鳥名主辟不祥天子

出行職主先導故執此鳥之象因以名官煜燿光

貌明就我求清酒絲繩提玉壺就我求珍肴金盤鱠

鯉魚貽我青銅鏡結我紅羅裾不惜紅羅裂何論

輕賤軀言其勢可畏若不惜此紅羅男兒愛後婦

女子重前夫人生有新故貴賤不相踰多謝金吾

子私愛徒區區

通首皆就胡姬之拒羽林郎著筆。故起四從對面說來。透後作提。似順實逆。胡姬十句。接寫胡姬年少當爐。服飾儀容之美。而寫儀容處。只舉鬟以例其餘。又就鬟細細估價。痴甚趣甚。不意四句。遙接起處來。以不意二字引入。下皆就胡姬意中摹寫矣。銀鞍翠蓋。補筆爲倚勢者鋪張。而著筆不多。又與上段煩簡變換。就我四句。調笑引端。寫出覲覲可笑。貽我四句。調笑實蹟。寫出干犯可慮。後六。以胡姬拒絕之辭作收。女子重前夫。主句也。却以男兒愛後婦。對面剔出。惟知新不易故。豈以貴賤踰盟。申說何等決裂。而多謝區區。辭氣仍歸和婉。倚勢者終無如何矣。更不繳清。盡而不盡。○與陌上桑同一義。嚴詞麗而運局迥殊。所宜參閱。

宋子侯

玉臺新詠作董子侯

董嬌嬈

雜曲歌辭。○樂府解題無明解。亦實不可解。豈董字乃懂字之訛。曉嬌嬈

者勿懷懂於
及時行樂乎

洛陽城東路。桃李生路傍。花花自相對。葉葉自相
當。春風東北起。花葉正低昂。不知誰家子。提籠行
采桑。纖手折其枝。花落何飄颺。請謝彼姝子。何爲
見損傷。高秋八九月。白露變爲霜。終年會飄墮。安
得久馨香。秋時自零落。春月復芬芳。何時盛年去。
歡愛永相忘。吾欲竟此曲。此曲愁人腸。歸來酌美
酒。挾瑟上高堂。

詩意只歎花落尚可更開。盛年歡愛難再。勸人
及時行樂也。前路幻出幾層問答。入後點醒。無

窮姿致首六。直就洛陽桃李花。葉對當。得風低昂。寫景之中。逗出盛年歡愛影子。不知四句。遞入采桑。折枝花落。又爲盛年一去。歡愛相忘。再作一影。請謝二句。詰彼姝辭。詰其損花。卽是惜其盛年將去。以花比人。至此一頓。然尚未說破。高秋四句。彼姝答辭。只說春去秋來。花須終墮。若不喻其意者。筆勢一曲。秋時四句。又是答彼姝之辭。方就花落復芬。翻出年去愛忘之感。全詩旨意在此。後四。將花與彼姝。盡情推開。只就自己破愁行樂。寫一樣子。餘味曲包。

寶玄妻

古怨歌

雜曲歌辭亦名艷歌。○後漢書玄狀貌絕異。天子使出其妻。妻以公主妻。

悲怨寄書及歌與玄時人憐而傳之。

熒熒白兔東走西顧。衣不如新人不如故。

白兔東走西顧。喻已之被出而終戀故人也。却再入衣。不如新反面一托。然後折醒彼之亦當念故人來。凌空指點。筆活而局峭。

蘇伯玉妻

盤中詩

山樹高。鳥鳴悲。泉水深。鯉魚肥。空倉雀。常苦飢。吏人婦。會夫希。出門望。見白衣。謂當是而更非。還入門。中心悲。北上堂。西入階。急機絞。杼聲催。急機絞機絲絞也。長歎息。當語誰。君有行。妾念之。出有日。還無期。結巾帶。長相思。君忘妾。未知之。妾忘君。罪當治。妾

有行宜知之

行去聲
行誼也

黃者金白者玉高者山下者

谷姓者蘇字伯玉人才多知謀足家居長安身在

蜀何惜馬蹄歸不數

音促

羊肉千觔酒百斛令君馬

肥麥與粟今時人知四足

指盤之
四足也

與其詩不能讀

當從中央周四角

此勸夫歸家之詩因書於盤中以寄故曰盤中詩起八先設兩喻以樹高鳥悲喻婦人失夫無所依歸之苦以水深魚肥喻婦人得夫有所庇護之樂尚屬泛說復接空倉雀飢一喻則以名是實非著身醒出吏婦會夫之希有夫一若無夫也領起全詩亦突兀亦紆徐出門十二句皆承上申寫見在盼望悲歎之情事出門入門上堂入階層次敘來纏綿委曲君有八句追敘已

之思彼有素。別醒久離。遞落彼之忘家不歸。曾
未知已。妾忘八句。接上深表已之不敢忘君。操
行堅潔不變。彼宜共知。却忽轉韻。叠以金玉山
谷排句比出。硬語盤空。姓者八句。意在勸歸。却
只就彼邊摹擬。言如此人。豈懵懂者。何苦離家
作客。不早歸來。以安享家中酒肉芻馬之養。反
筆陡收。若絕不關已事者然。妙妙。今時五句。非
詩正文。蓋因詩寫盤中驟難索解。綴此教以讀
法也。然直說則嫌輕視其夫。與知謀足句矛盾。
故托空就時人難讀。指點出來。用筆狡猾。正其
用意。周匝也。○三字句詩。後忽變長句。以動盪
之。轉見奇恣。○前後平仄兩韻。而陡換處。偏在
妾忘君八句之中。腰亦一奇。○姓者句。轉
意另起。而句法却連上排比而下。又一奇。

麗玉

朝鮮津卒霍
里子高妻

箜篌引

相和歌辭相和曲。一名公無渡河。○
崔豹古今注。箜篌引者。朝鮮津卒霍

里子高妻麗玉所作也。子高晨起刺船，有一白首狂夫，被髮提壺，亂流而渡。其妻追而止之，不及，遂墮河而死。於是援箜篌而歌，云：「聲甚淒愴，曲終亦投河死。」子高還語其妻，麗玉傷之，乃作箜篌而寫其聲，名曰箜篌引。

公無渡河。公竟渡河，渡河而死，當奈公何。

逐句停頓，一氣旋轉，尤妙在末四字，拖得意言不盡。

蔡琰

字文姬，邕之女也。博學有才辯，適河東衛仲道。夫亡，無子，歸寧於家。興平中，天下喪

亂，爲胡騎所獲，歸於南匈奴。左賢王在胡中十二年，生二子。曹操痛邕無嗣，遣使者以金璧贖之，重嫁。

陳雷董祀

悲憤詩

二首選
五言

漢末失權柄。董卓亂天常。志欲圖篡弑。先害諸賢良。逼迫遷舊邦。擁王以自強。海內興義師。共欲討不祥。卓舉來東下。金甲耀日光。平土人脆弱。來兵皆胡羌。獵野圍城邑。所向悉破亡。斬截無子遺。尸骸相撐拒。馬邊懸男頭。馬後載婦女。漢書董卓傳卓膂力過人爲羌胡所畏。靈帝崩。大將軍何進可隸校尉袁紹謀誅宦官。太后不許。乃呼卓將兵入朝。以脅太后。及何進敗。卓引兵急進。免司空劉弘。而自代之。廢少帝。爲弘農王。而立陳留王。爲獻帝。縱兵士淫掠婦女。擄虜貨物。謂之搜牢。初平元年。韓馥袁紹等十餘人。各興義兵。同盟討卓。卓乃鳩殺弘農王。遷天子西都。初。長安遭赤眉之亂。宮室營寺焚滅無餘。於是盡徙洛陽。數百萬口於長安。飢餓寇掠積

月盈路長驅西入關。迥路險且阻。還顧邈冥冥。肝脾

爲爛腐。所略有萬計。不得令屯聚。或有骨肉俱。欲

言不敢語。失意幾微間。輒言斃降虜。要當以亭刃。

我曹不活汝。

亭古通。停停刃。猶加刃也。二語乃述怒罵之辭。

豈敢惜性命。

不堪其詈罵。或便加棰杖。毒痛參并下。旦則號泣。

行。夜則悲吟。坐欲死。不能得欲生。無一可彼蒼者。

何辜。乃遭此厄禍。

此語與寄箇馬禍六韻第二部三聲通韻并可合下紙字八韻

爲通邊荒與華異。人俗少義理。處所多霜雪。胡風春

夏起。翩翩吹我衣。蕭蕭入我耳。感時念父母。哀歎

無終已有客從外來聞之常歡喜迎問其消息輒
復非鄉里邂逅微時願骨肉來迎已已得自解免
當復棄兒子天屬綴人心念別無會期存亡永乖
隔不忍與之辭見前抱我頸問母欲何之人言母
當去豈復有還時阿母常仁惻今何更不慈我尚
未成人奈何不顧思見此崩五內惚恍生狂癡號
呼手撫摩當發復回疑兼有同時輩相送告離別
慕我獨得歸哀叫聲摧裂馬爲立踟躕車爲不轉
轍觀者皆歔歔行路亦嗚咽去去割情戀過征日

遐邁悠悠三千里。何時復交會。念我出腹子。胸臆
爲摧敗。既至家人盡。又復無中外。言門戶毀壞。無
以別內外也。城郭爲山林。庭戶生荆艾。白骨不知誰。縱橫莫覆
蓋。出門無人聲。豺狼嗥且吠。熒熒對孤景。怛咤糜
肝肺。景同影。怛咤。怛怛
而悲咤也。糜爛也。登高遠眺望。魂神忽飛逝。
奄若壽命終。傍人相寬大。爲復強視息。雖生何聊
賴。託命於新人。竭心自勗勵。流離成鄙賤。常恐復
捐廢。人生幾何時。懷憂終年歲。

此詩謂眞謂假。其說不一。東坡與劉昞書則謂
范曄作蔡琰傳載其二詩。亦非是。董卓已死。琰

乃流落方卓之亂。伯喈尚無恙也。而其詩乃云。以卓亂故流入於胡。此豈真琰語哉。其筆勢乃效建安七子者。非東漢詩也。蔡寬夫詩話則謂後漢蔡琰傳載其二詩。或疑董卓死。邕被誅。而詩敘以卓亂流入胡。爲非琰辭。此蓋未嘗詳考於史也。且卓旣擅廢立。袁紹輩起兵山東。以誅卓爲名。中原大亂。卓挾漢帝遷長安。是時士大夫豈能皆以家自隨乎。則琰之入胡。不必邕誅之後。其詩首言逼迫遷舊邦。擁王以自強。海內興義師。共欲誅不祥。則指紹輩固可見。旣言平土人脆弱。來兵皆胡羌。縱獵圍城邑。所向悉破亡。馬邊懸男頭。馬後載婦女。長驅西入關。迢路險且阻。則是爲山東兵所掠也。其末乃云。感時念父母。哀歎無窮已。則邕尚無恙。尤無疑也。穀按長驛西入關。當卽指卓所將羌胡兵。蔡以爲山東兵亦誤。然其駁蘇處則具眼也。且琰與建安七子正復同時。何見其必效七子而非琰作。因論列評而存之。○此統述遭亂流離。歷年以

來之悲憤也。篇分四大截看。首十四句。先敘漢末卓亂。韓袁輩勤王無功。賊兵肆劫。爲家禍探源而起。斬截八句。由斬截遞到擄掠。載婦女暗落已身。入關險阻。還顧心傷。隨作一提。所略十二句。就在途細敘受制賊兵。罵杖不堪情狀。且則六句。總括收住。以上一截。言被擄入胡。在途受苦之悲憤。邊荒八句。敘胡中事。失身夷虜。欲言不可。欲祕不能。只以少義理三字櫟括之。霜雪胡風。略述邊苦。引到念親。已爲念子作影。有客八句。敘望歸間信事。忽喜忽悲。兩層轉落。迎歸棄子。卽束卽提。以上一截。言陷胡失節。去住兩難之悲憤。天屬十六句。正敘迎歸。不忍別子。夫琰旣失身。不忍別者。豈止於子。子則其可明言而尤情至者。故特反覆詳言之。已之不忍別子。說不盡。妙介入子之不忍別。已對面寫得沉痛而已之不忍與別愈顯矣。最爲文章妙訣。兼有八句。插敘同輩送別哀痛。前顧同驅。且再爲別子一襯。去去六句。說到就道。乃復收轉。念子

本意頓住。以上一截。言迎歸棄子。不忍割愛之悲憤。既至十二句。到家後事。先敘亂後荒涼。家人盡顯應念親。次敘勞居孤苦。遠眺望。暗收念子。奄若八句。以傍人勸慰強生。落到見在托命新人。已成鄙賤。恐復捐廢隱痛。以上一截。言歸家。勞獨再適。含羞之悲憤。結二句。雖頂末段。却是總束通章。是悲憤大結穴處。○漢五古如蘇李十九首。多用興比。言簡意含。固是正宗。而長篇敘事言情。局陣恢張。波瀾層疊。若文姬此作。實能以真氣自開戶牖。爲後來杜老詠懷北征諸鉅製之所祖。學詩者。正不可以偏廢也。

女門人王瑗佩霞複校

古詩賞析

卷六

三

古詩賞析卷六